

blicasse. Denique Romani milites custodierunt mortuum in sepulcro, propter majorem, quam in populo habebant, auctoritatem; cæterum illis in Christum nec odium inerat atrox, nec invidia furens, ut Judæos super omnes angebat.

Sed quid dicemus ad illa, quæ Judæi Pilato responderunt: *Nobis non licet interficere quemquam?* Ad quæ verba Joan. 18. Cornelius a Lapide subjungit: *Hinc videtur, quod Romani Judæis, utpote jure belli subactis, abstulerint jus damnandi, & morte plectendi reos, illudque sibi vendicaverint; hot enim omnino hæc coruna verba significabant.* Ita Rupertus, S. Thomas, Jansenius, Suarius, & alii. At aliud est ad mortem damnare, quod jus potestatis in eo, qui damnat, importat; aliud mortis sententiam exequi, quod servitutem in eo, qui exequitur, manifestat. Pilatus utique Christum ad mortem damnaverat, at Judæi sententiam Pilati exequitioni demandaverunt; quod quidem in ipsis nec jus, nec imperium, nec potestatem enunciatur.

§. IV.

*Romani Milites Christi comprehensiōni,
flagellatiōni, coronatiōni, ac
crucifixiōni, inter-
fuerunt.*

Romanos milites, hoc est illos, qui sub Romanorum signis militabant, & sub Romano Præside merebant; quorum nationem, quia incertissima est, quum non omnes ex una gente fuerint, non perquirimus;